



Broj: 05/7-39-1-158-74/21

Sarajevo, 26. 8. 2021.

Z A P I S N I K

74. sjednice Vijeća nacionalnih manjina BiH, održane 26. 8. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Velibor Kuvač, Tijana Vučurević, Tihomir Knežiček, Jakob Finci, Dragan Marković, Todorka Jovanović, Silvija Vujović, Eva Pašić-Juhas, Mladen Radmilović, Vjeročka Gajić, Davor Ebner, Marija Grbić i Nedžad Jusić.

Sjednici, iz opravdanih razloga, nisu prisustvovali: Jovanka Manzalović-Šalaka, Hakan Varan, Halil Bicaj i Dejan Piotrovski.

Sjednici je, također, prisustvovala Anđelka Dobrilović-Rajak, stručna saradnica u Zajedničkoj komisiji za ljudska prava.

Sjednica je imala sljedeći

D N E V N I R E D

1. Usvajanje Zapisnika 73. sjednice Vijeća nacionalnih manjina BiH;
2. Razmatranje odgovora na inicijativu Vijeća nacionalnih manjina Bosne i Hercegovine, akt broj: 03/6-50-14-12-8/20 od 27. 7. 2021, veza akt broj: 03/6-50-14-12-8/20 od 1. 7. 2021;

3. Razmatranje odgovora Grada Dervente, veza akt broj: 05/7-39-1-158-71/21 od 25. 5. 2021;
4. Tekuća pitanja.

Dnevni red jednoglasno je usvojen.

Ad. 1. Usvajanje Zapisnika 74. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik jednoglasno usvojen.

Ad. 2. Razmatranje odgovora na inicijativu Vijeća nacionalnih manjina Bosne i Hercegovine, akt broj: 03/6-50-14-12-8/20 od 27. 7. 2021, veza akt broj: 03/6-50-14-12-8/20 od 1. 7. 2021.

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Andrija Svatok, Velibor Kuvač, Dragan Marković, Nedžad Jusić i Jakob Finci.

Po okončanju rasprave, zaključeno je da će Vijeće nacionalnih manjina BiH, na osnovu preporuka Vijeća ministara BiH, tražiti od Zakonodavno-pravnog sektora Parlamentarne skupštine BiH iznalaženje pravnih modaliteta s ciljem stvaranja fiskalnih pretpostavki za otvaranje budžetske linije za podršku nacionalnim manjinama u BiH, posebno u vanrednim situacijama, te na osnovu njih definirati svoje prijedloge i dostaviti ih Vijeću ministara BiH na razmatranje.

Ad. 3. Razmatranje odgovora Grada Dervente, veza akt broj: 05/7-39-1-158-71/21 od 25. 5. 2021.

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Andrija Svatok, Nedžad Jusić, Todorka Jovanović, Dragan Marković i Velibor Kuvač.

Nakon rasprave, Vijeće nacionalnih manjina BiH primilo je k znanju pozitivan odgovor Grada Dervente na preporuku Vijeća nacionalnih manjina BiH, te pozdravilo odluku za otvaranje budžetske linije za podršku savezima i udruženjima nacionalnih manjina u Gradu Derventi.

Članovi Vijeća nacionalnih manjina BiH odlučili su da gradonačelniku Dervente upute zahvalnicu za podršku inicijative Vijeća nacionalnih manjina BiH.

Ad. 4. Tekuća pitanja

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Andrija Svatok, Nedžad Jusić, Tihomir Knežiček, Velibor Kuvač, Dragan Marković, Todorka Jovanović, Mladen Radmilović, Eva Pašić-Juhás i Davor Ebner.

Članovi Vijeća nacionalnih manjina BiH konstatirali su da je današnji sastanak održan u Bijeljini s gradonačelnikom Grada Bijeljine Ljubišom Petrovićem i šefom Ureda za nacionalne manjine Grada Bijeljine Ljubiša Stanišić bio veoma uspješan. Na sastanku se razgovaralo o položaju nacionalnih manjina u gradu i cijeloj regiji Semberije.

Nakon sastanka, dogovoreno je da sastanci između Vijeća nacionalnih manjina i gradonačelnika Grada Bijeljine postaju obavezna praksa i održavat će se jedanput godišnje, radi razmjene iskustava i sagledavanja stanja po pitanju položaja nacionalnih manjina.

Predsjedavajući Vijeća nacionalnih manjina BiH Andrija Svatok istakao je da je nakon ovog sastanka članovima Vijeća nacionalnih manjina BiH i zvaničnicima Grada Bijeljine prezentiran projekat pod nazivom „Slušaj manjinske jezike“, koji provode Udruženje Italijana „Rino Zandonai“ iz Tuzle i Udruženje Poljaka „Boleslaviec“ iz Prnjavora. Projekat je predstavio menadžer projekta i član Vijeća nacionalnih manjina BiH prof. dr. Tihomir Knežiček. Osim toga, predstavljen je i projekat „Romacted II“, koji provodi Udruženje „Euro Rom“ iz Tuzle, zajedno s članom Vijeća nacionalnih manjina BiH Nedžadom Jusićem, koji ima ulogu kontakt-osobe za ovaj projekat.

Članovi Vijeća nacionalnih manjina izrazili su zadovoljstvo i pohvale za provođenje navedenih projekata.

Zaključeno je da će Vijeće nacionalnih manjina, u okviru narednih službenih posjeta gradovima i općinama u BiH u ovim prilikama, od udruženja i nevladinih organizacija koje provode ili su ranije provodile projekte značajne za nacionalne manjine, tražiti da Vijeću prezentiraju navedene projekte.

Sjednica je završena u 18.30 sati.

**Stručna saradnica u Zajedničkoj komisiji
za ljudska prava
Anđelka Dobrilović- Rajak**

**Predsjedavajući
Vijeća nacionalnih manjina BiH
Andrija Svatok**